

besses in diser statt Augspurg beschehenn vnd fůrgangen were, derhalbenn habenn wir zunfftmaister der erberen Zunfft vonn Weberen der zehnt, als der fůrsichtig, Ersam vnd Wehs her burgermaister Mang Sehß zu dem sibenden mall erwelter Burgermaister ware,¹ alle vnd jede alte vnnnd newen schriffsten, vertrág, verzeichnungevnnnd Er-
 kantnußen, so vill derenn bey vnser Erberenn zunfft vnd sonst ge-
 funden vnnnd vns von vnseren vorjaren verlasen worden sendt,
 inn dis buch mit guter ordnung beschreiben lasenn, auff das vnser
 nachkomende herrenn vonn rāthenn jnn vnser Erbern zunfft,
 als, on rom zu melden, das greß mittgelidit der gemaindt diser vralten
 des hailligen Reichs stat Augspurg, Ettwas warhafftigs ordenlicher
 weis nach vnnns finden vnnnd darjnen sich nach gelegenhait vnnnd fůr-
 fallung der hennel vnd [5b] Zehnt darjnen zu Ersehenn habenn, domit
 alle ding nach dem besten vnnnd geschicktesten verricht werden mögenn.
 vnnnd hatt der fůrsichtig, Ersam vnnnd weis her burgermaister Mang
 Sehß die sachenn also geordnett vnnnd fůrsehen, das dis Buch be-
 schloßenn sein vnnnd auff die herrenn von Rāthenn der Erberenn zunfft
 von weberen warten, vnd das alweg der geschworenn zunfftmaister
 denn schlissel darzu habenn soll.

Es hatt aber dis buch dise ordnung: Erstlich hatt es seinen anfang
 mit der altenn hungerischen schlacht, darinen das loblich hantwerck²⁰
 sein Erlich wapen, so bis auff dise Zeitt loblich hergepracht wordenn ist,
 nit mit wenigen Erenn vnnnd Lob oberkomen vnnnd Erfochten hatt.
 dem wirtt auch zugetonn der anfang des Zunfftlichen Regiments, we,
 wan vnd warumb es sein anfang inn diser statt genomen habe, welchs
 Stud mit grossem fleis zusamenn gepracht vnd allenn lesenden, den²⁵
 Erberenn Zunfften gunstig, hoch, lieblich, nuzlich vnnnd zu allem wider-
 stand denen, so die Zunfftliche Regierung hassenn, seer trostlich vnnnd
 werhafftig. das ander taill dises buchs helltt in sich alle vnnnd jede
 Zunfftmaister vnnnd Rathgebenn, so von anfang der [6a] Zunfften bis
 auff vnser Zeitt jārlichenn gewesenn sendt, die dann gar ordenlich³⁰
 mit ordnung der Jarzall nachainander nicht mitt wenig mie vnnnd
 arbaitt zusamenn gepracht vnnnd nacheinander geseht vnnnd beschreibenn
 worden sendt. desgleichenn ist auch, was Bey jedem Zunfftmaister inn
 seinem Regierenden jar inn des Raths-Zunfft- vnnnd tatsachen fůr-
 gangenn, auffß kůrzest vermelt vnnnd beschreibenn. es ist auch der taill³⁵
 dis buchs von Bemeltenn herenn also geordnett worden, das auff

1. Das war im Jahr 1543. Vgl. oben die Einleitung S. 5.